



Socijaldemokratska partija **Bosne i Hercegovine**  
Социјалдемократска партија Босне и Херцеговине

sloboda, jednakost, solidarnost

Sarajevo, 08.05.2019.godine

Klub zastupnika u Predstavničkom domu  
Parlamenta Federacije BiH  
Zastupnik Zlatko Ercegović

ZA:  
BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
PREDSTAVNIČKI DOM  
n/r Predsjedavajućeg PD Parlamenta FBiH

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

Datum: 08-05-2019	
01-02-967/19	Vrijednost: 2x
o/c	

U skladu sa članom **172. Poslovnika** o radu Predstavničkog doma Parlamenta Federacije Bosne i Hercegovine, u skraćenoj parlamentarnoj proceduri podnosim:

**Prijedlog**  
**Zakona o izmjenama i dopunama Zakona o radu BiH.**

Molim vas da tekst Prijedloga zakona uputite Vladi Federacije BiH radi dostavljanja mišljenja u poslovničkom roku od 30 dana.

U prilogu Vam dostavljam tekst Prijedlog zakona

S poštovanjem,

Zlatko Ercegović, zastupnik

Sekretarijat

Adresa: Alipašina 41  
71000 Sarajevo  
Bosna i Hercegovina

Broj telefona: +387 (0)33 563-900  
Broj faksa: +387 (0)33 563-901  
E-mail: sekretarijat@sdp.ba

www.sdp.ba  
facebook.com/sdpbih  
twitter.com/sdpbih  
youtube.com/sdpbih

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
PREDSTAVNIČKI DOM  
KLUB ZASTUPNIKA SDP BiH  
ZASTUPNIK ZLATKO ERCEGOVIĆ

(PRIJEDLOG)

ZAKON  
O IZMJENAMA I DOPUNAMA ZAKONA O RADU FEDERACIJE BOSNE  
I HERCEGOVINE

Sarajevo, maj 2019.godine

ZAKON  
O IZMJENAMA I DOPUNAMA ZAKONA O RADU FEDERACIJE BOSNE I  
HERCEGOVINE

**Član 1.**

U Zakonu o radu Federacije Bosne i Hercegovine ("Službene novine Federacije BiH", br. 2/6, 89/18) u članu 123. dodaje se stav 2. koji glasi:

*„Reprezentativnim strukovnim sindikatom (sindikatom jedne struke-profesije) kod poslodavca smatra se sindikat u koji je učlanjeno najmanje 50 % od ukupnog broja uposlenih te struke (profesije), a ako je kod poslodavca uposlenih te struke (profesije) najmanje 10% od ukupnog broja uposlenih.“*

**Član 2.**

U Zakonu o radu Federacije Bosne i Hercegovine ("Službene novine Federacije BiH", br. 2/6, 89/18) u članu 124. dodaje se stav 2. koji glasi:

*„Reprezentativnim strukovnim sindikatom (sindikatom jedne struke-profesije) za jedno ili više područja djelatnosti smatra se sindikat koji, pored uvjeta iz člana 122. ispunjava i uvjet da ima najmanje 30% članova od ukupnog broja uposlenih te struke (profesije) na teritoriji Federacije BiH, odnosno područja kantona.“*

**Član 3.**

U Zakonu o radu Federacije Bosne i Hercegovine ("Službene novine Federacije BiH", br. 2/6, 89/18) u članu 125. dodaje se stav 2. koji glasi:

*„Reprezentativnim strukovnim sindikatom (sindikatom jedne struke-profesije) za teritorij Federacije BiH smatra se onaj sindikat koji, pored uvjeta iz člana 122. ovog zakona, ima najmanje 30% članova u odnosu na ukupan broj uposlenih te struke (profesije) u Federaciji BiH, a prema podacima Federalnog Zavoda za statistiku ili drugog organa koji vodi odgovarajuću evidenciju ili izdaje odobrenje za rad u određenoj profesiji.“*

**Član 4.**

Zakon stupa na snagu osmog dana od dana objavljivanja u službenim novinama.

**OBRAZLOŽENJE  
ZAKONA O IZMJENAMA I DOPUNAMA ZAKONA O RADU FEDERACIJE BOSNE  
I HERCEGOVINE.**

**I USTAVNI OSNOV**

Ustavni osnov za donošenje ovog zakona sadržan je u dijelu Poglavlju III A. 5. 20. (1) d) kojim je propisano da je Parlament Federacije Bosne i Hercegovine nadležan za donošenje zakona o vršenju funkcija federalne vlasti.

**II RAZLOZI ZA DONOŠENJE**

Postojećim Zakonom o radu FBiH koji je na snazi nije omogućena reprezentativnost strukovnih sindikata.

Zakon o radu FBiH ne poznaje pojam "Strukovni sindikat", a što je novi način organiziranja uposlenika jedne struke (profesije), Ovaj oblik organiziranja je poznat i prisutan u većini evropskih zemalja. Strukovni sindikat doktora medicine i stomatologije je organiziran na taj način.

U cilju priznavanja reprezentativnosti ovog i sličnih sindikata potrebno je promijeniti kruti kvantitativni uslov, po kojem sindikat treba da ima 30% uposlenih u jednoj djelatnosti. (Iako je zakonom o liječništvu FBiH struka doktora medicine i stomatologa priznata kao djelatnost)

U prošloj godini smo bili svjedoci nemilih događaja koji su , prije svega, rezultat neispunjavanja uvjeta za reprezentativnost Strukovnom sindikatu doktora medicine i stomatologije FBiH.

Ovi događaji su , pored štrajka doktora medicine i stomatologije u nekim kantonima, zabrane štrajka kao nelegalnog od strane nadležnog suda u TK, odbijanja nekih kantonalnih vlada da "pregovaraju" sa predstavnicima Strukovnog sindikata doktora medicine i stomatologije, doveli do očajničkih poteza, izlaska na ulicu stotina doktora medicine i stomatologije pa i masovnog potpisivanja prekida ugovora o radu ( otkaza ).

Također zbog nepostojanja ovakvog zakonskog rješenja doktori medicine i stomatologije se dovode u različit položaj u zavisnosti od kantona do kantona, a smatramo da se doktorima medicine i ljekarima treba omogućiti jednak status u cijeloj FBiH.

Također Vlada FBiH u radnom materijalu Zakona o reprezentativnosti planira identično rješenje koje je predloženo ovim zakonom, i mi pozdravljamo regulisanje ove oblasti tim zakonom, ali smatramo da do donošenja tog zakona je potrebno izmjenama i dopunama postojećeg zakona osigurati reprezentativnost strukovnih sindikata kako ne bi nastupile nesagledive posljedice za FBiH, građane FBiH i zdravstveni sistem.

U vremenu kada sve veći broj doktora medicine i stomatologije napušta Bosnu i Hercegovinu potrebno je učiniti sve što možemo da zadržimo doktore medicine i stomatologe u Bosni i Hercegovini u čije je obrazovanje naša država uložila stotine miliona KM,

### **III. OBRAZLOŽENJE PRAVNIH RJEŠENJA**

Članovima 1 2 3 ovog Zakona se uvodi pojam strukovnog sindikata određene struke u FBiH kao i propisuju uslovi da taj sindikat ima reprezentativnost na nivou kantona te na nivou Federacije Bosne i Hercegovine

### **IV. FINANSIJSKA SREDSTVA**

Za provođenje ovog Zakona nisu potrebna dodatna finansijska sredstva iz budžeta Federacije Bosne i Hercegovine.